

ni fidem , justè jubebit , non obstante , quod fides interne cogi non possit. Sufficit enim , quod litibus & hæresibus , disseminandis hac ratione repagulum opponatur aut exitus fiat. *Contra Libertinos , Syncretistas , Chiliastras , Weigelianos* , quibus *Arminiani & Photiniani* hæc in parte vestigia presserunt , qui omnes pro Tyrannico & Antichristiano hoc habent , & unicuique libertatem sentiendi & externè profitendi relinquendam esse putant.

T H E S I S III.

Symbola provincialia jam olim in usu fuerunt apud *Atros , Gallos , Romanos , Ephesios , Chalcedonenses , Constantinopolitanos , Sardicenses , &c.* Quæ pro diversitate exsurgentium Schismaticorum atque Hæreticorum , diversis etiam , iisdemque paucioribus interdum , pluribusve doctrinis oppositis constiterunt , ad quas formulas non solum in quâvis provinciâ ii , qui relicta hæresi in gremium Ecclesiæ recipi volebant , examinabantur , sed etiam doctores , sua asserta , & decisiones controversiarum , eò dirigebant. Nec attendebatur , quod , sicuti Conciliorum ,